

Tortolì. Iscritziones servìtziu mensa iscolàstica Annu iscolàsticu 2024/2025



Comunu de Tortolì



**iscritziones in lìnìa
mensa iscolàstica 2024-24**

ISCRITZIONE O RINNOVU a su servìtziu de mensa iscolàstica pro s'annu iscolàsticu 2024/2025 de presentare de su genitore de s'iscolanu o de chie nde detenet sa responsabilidade genitoriale, dae su 08/08/2024 a su 30/09/2024

<https://www.comune.tortoli.nu.it/it/news/iscrizioni-servizio-mensa-scolastica-anno-scolastico-2024-2025>

Si faghet a ischire chi, dae su 08/08/2024 a su 30/09/2024, at a èssere possibile presentare sa recherta pro s'iscrittione a su servìtziu mensa iscolàstica pro is iscolanos residentes e non residentes in su Comunu de Tortolì, chi frequentant is iscolas tzitadinas de s'infàntzia e de sa primària “a tempus prenu”, pro s'annu iscolàsticu 2024-2025.

Is genitores interessados a su presente servìtziu depent presentare dimanda de iscrittione apòsita pro cada annu iscolàsticu e pro cada figiu.

MODALIDADE DE PRESENTADA DIMANDA

Sa dimanda de ISCRITZIONE O RINNOVU a su servìtziu de mensa iscolàstica pro s'Annu iscolàsticu 2024/2025 depet èssere presentada dae su genitore de s'iscolanu o de chie nde detenet sa responsabilidade

genitoriale, dae su 08/08/2024 a su 30/09/2024 compilende s'apòsita dimanda in lìnia chi s'agatat disponìbile suta su s'ighente acàpiu: <https://www3.eticasoluzioni.com/tortoliportalegen>

Su genitore at a protzedire a pònnerre is datos rechestos e, una borta compiladu su mòdulu in cada parte sua e unida sa documentatzione s'in casu mai recherta, at a protzedire a s'imbiu. Sa dimanda at a èssere in manera automàtica indiritzada a su protocollu de s'Ente. At a dèpere èssere presentada pro cada figiu pro su cale si rechet su servìtziu mensa iscolàstica, un'apòsita dimanda. S'iscritzione presentada in lìnia si cunsiderat espressione de sa voluntade de ambos genitores, in virtude de cantu prevididu dae su Còdighe Tzivile (artt. 316, 337 ter e 337quater e sutzessivas mudas e integratziones), chi atribuit, in particolare pro is detzisiones de majore interessu cales s'istrutzione e s'educatzione, a ambos genitores sa responsabilidade genitoriale de s'esertzare de comunu acòrdiu.

ATESTAZIONE VALORE I.S.E.E

Pro pòdere godere de is esenziones o agiudos prevididos est netzessàriu:

Unire su I.S.E.E. bàlidu. In mancàntzia de I.S.E.E. bàlidu s'Ufitziu at a protzedire a applicare sa cuota màssima de contribuzione previdida;

chi su I.S.E.E. rechertu est cussu pro is prestatziones agiudas pro is minores e chi s'ISEE MINORES istituit cussu ordinàriu casumai su nùcleu familiare s'agatet in is casìsticas disciplinadas dae s'Art. 7 de su D.P.C.M. n. 159/2013 (genitores non cunvientes e/o non coniugados);

chi in su I.S.E.E. non depent èssere presentes annotamentos-omissiones/disformidades;

S'in casu esseret a resurtare, dae is verìficas fatas dae s'Ufitziu prepostu, de is disformidades in su I.S.E.E. presentadu, s'impitadore at a èssere cumbidadu a presentare un'ISEE bàlidu intro 10 dies dae su ritzevimentu

de sa comunicatzione. In casu contràriu, at a èssere insertadu in manera automatica in sa fàscia de rèdditu prus arta, cun sa relativa contribuzione pro su costu de su s'ingulu pastu, gasi comente descritu in sa tabella a suta. Is impitadores non residentes chi reherent su servìtziu mensa no ant a beneficiare de peruna esenzione o reduida ma ant a dèpere sustentare su pagamentu de totu su costu de su servìtziu fissadu in € 5,96 (cumprensivu de IVA a su 4%), francu eventuales aggiornamentos de tarifa a pustis de aggiudicatzione de sa Gara noa de apaltu de su servìtziu.

Si pretzisat chi at a èssere possibile s'accolida de unu ISEE nou in casu de muda de su nùcleu familiare o de un'ISEE corrente in casu de muda de sa situatzione econòmica familiare. In ambas tzircustàntzias, s'adeguamentu de sa tarifa at a tènner decurrèntzia dae su mese sutzessivu a sa presentada de su nou ISEE.

Si pretzisat, in prus, chi intro su mese de freàrgiu 2025, at a èssere cura de is interessados, presentare a s'Ufitziu Iscolàsticu s'ISEE 2025, pro more de aggiornare o cunfirmare sa cuota de contribuzione pro su costu de su s'ingulu pastu, in base a sa fàscia ISEE de appartenèntzia. Sa mancada cunsigna in is tempos istabilidos at a cumportare s'aplicatzione de sa tarifa màssima previdida pro su gosamentu de su servìtziu.

CUOTA DE CONTRIBUZIONE – TARIFAS

Sa cuota de contribuzione est definida in base a su valore de su I.S.E.E. in cursu de balidesa a s'ora de sa presentada de sa dimanda in linia de iscritzione a su servìtziu. Su gosamentu de su servìtziu mensa iscolàstica previdet su pagamentu dae banda de is impitadores de sa cuota de contribuzione a su costu de su pastu, diversificada in base a su valore I.S.E.E. de su nùcleu familiare, su cale importu est istadu istabilidu dae sa deliberatzione de su Cummissàriu Istraordinàriu n. 21 de su 09/05/2023, gasi comente iscritu in su Bandu unidu a s'avisu.

SERVÌTZIU DE MENSA ISCOLÀSTICA

Is impitadores residentes chi no ant a presentare sa tzertificatzione ISEE, ant a dèpere pagare sa tarifa màssima previdida in sa 5^a fàscia de contribuzione, comente istabilidu in sa tabella remonada. Is impitadores non residentes chi bolent gosare de su servìtziu, depent fàghere su pagamentu de totu su costu de su sìngulu pastu, in manera indipendente de sa fàscia Isee de appartenèntzia, comente istabilidu dae sa deliberatzione de su Cummissàriu Istraordinàriu n. 21 de su 09/05/2023. Is cuotas de partetzipatzione sunt bàlidas finas a su 31.12.2024, s'Amministrazione Comunale si riservat cada valutatzione in mèritu a sa rideterminatzione de is tarifas de is servìtzios a dimanda individuale dae applicare, cun decurrèntzia de su primu ghennàrgiu 2025.

MODALIDADE DE PAGAMENTU

Is impitadores s'impinnant a averguare sa relativa cuota de contribuzione a su costu de su pastu in base a sa fàscia ISEE de appartenèntzia e a fàghere in manera antitzipada su pagamentu de sa contribuzione dèpida pro su gosamentu de su servìtziu, comente inditadu in sa tabella, pro mèdiu de su sistema de pagamentu pagoPa de sa prataforma telemàtica dedicata tzerriada "School.net" o de s'app "ComunicApp" cun telefoneddu o tauledda eletrònica.

In casu de mancadu pagamentu de sa cuota de contribuzione dèpida, su Comune at a providire a s'ativatzione de is protzeduras pro sa riscossione forzada de su crèditu.

N.B.

In casu de allergias o àteras patologias tocat unire un'idònea tzertificatzione mèdica donada dae su S.I.A.N. (Servìtziu Igiene de s'Alimentatzione e de sa Nutritzione) de s'ATS Sardegna Lanusei (Tel.0782 470435/470452). Si comùnicat, in prus, chi totu is variatziones (rinùntzit, variatzione valore I.S.E.E., etc.) depent èssere comunicadas in manera

obbligatòria a s'Ufitziu Iscolàsticu Culturale de su Comunu de Tortolì, cun nota iscrita.

Si cunsìgiat de protzedire a is iscrizioni a su servìtziu mensa in tempus, pro more de evitare unu possibile càrrigu etzessivu cun cunsighentes disservìtzios in is ùrtimas dies de abertura e in su respetu de is tèrmines prevididos dae s'avisu.

Allegados rechestos :

1) Fotocòpia mòdulu ISEE 2024.

2) Fotocòpia carta de identidade balida.

3) Eventuale documentatzione mèdica pro particulares allergias/intolleràntzia 4) eventuale declaratzione pro particulares dietas pro motivatziones èticas o religiosas

Tortolì 08/08/2024

Responsàbile de s'Àrea

Dot.a
Luisa Loi